

## **Nalinginnaasumik nassuiaatit**

### *1. Inatsisissatut siunnersuutip tunuliaqutaa siunertaalu*

Inatsisartut Naalakkersuisullu pillugit Inatsisartut inatsisaata allangortinneqarnissaanik siunnersuut inatsimmi oqaasertanik marlunnik allanguinermik imaqarpoq. Ilaatigut Naalakkersuisut siulittaasuata saniatigut Naalakkersuisut arfineq-marlunnik ilaasortaqaarsinnaanerannik periarfissiisoqarpoq ilaatigullu Inatsisartut aningaasanut inatsimmik akuersisarnissaannut killigititaq pillugu kingunerisatut iluarsisooqarluni.

Inatsisartut naalakkersuisullu pillugit inatsimmi maanna atuuttumi naalakkersuisut tassaapput Naalaakkersuisut siulittaasuata kiisalu marlunnit arfinillit angullugit Naalakkersuisunutilaasortat. Inatsisip siulliup akuerineqaqqaarneraniilli paasinarsisimavoq Naalakkersuisunut ilaasortat amerlineqartariaqartut. Taamaattumik Naalakkersuisut siulittaasuata saniatigut Naalakkersuisut arfineq-marlunnik ilaasortaqaarsinnaanerit siunnersuutigineqarpoq.

Namminersornerullutik Oqartussat missingersuutaat pillugit Inatsisartut inatsisaata allangortinneqarneranik Inatsisartut inatsisaanni aningaasanut inatsisip ukioq aningaasanut inatsiseqarfiusoq sioqqullugu novembarip ulluisa 15-ianni akuerineqartarnissaa killiliunneqarpoq. Tamatuma kingunerisaanik aamma Inatsisartut Naalakkersuisullu pillugit Inatsisartut inatsisaanni iluarsisooqartariaqarpoq inatsisit imminnut ataqatigiilersikkumallugit.

### *2. Tusarniaaneq*

Inatsisissatut siunnersuut Namminersorneq pillugu Allattoqarfimmut, Aningaasaqarnermut Pisortaqarfimmut, Aatsitassanut Ikummatissanullu Pisortaqarfimmut kiisalu Siulersuisunut ilaasortaatanut Allattoqarfimmut tusarniaassutigineqarpoq.

### *3. Aningaasaqarnikkut kiisalu allaffissornikkut kingunerisassai*

Inatsisartut Naalakkersuisullu pillugit Inatsisartut inatsisaata allangortinneqarnissaanik siunnersuummi ilaatigut Naalakkersuisut inatsisartut inatsisaannut atuuttumut sanilliullugu Naalakkersuisunut ilaasortamik ataatsimik amerlanerusinnaanerit periarfissinneqarpoq. Tamatuma kingunerissavaa aqqissuussinermut maanna atuuttumut sanilliullugu naalakkersuisooqarfimmik nammineq ingerlatalimmik pilersitsisoqaarsinnaanera. Taakku suliaasaqarfinit allanit nuuneqarlutilluunniit nutaamik pilersinneqassapput.

Naalackersuisoqarfimmik nutaamik pilersitsineq Naalackersuisunut ilaasortap ministerimillu sullissinermut il.il. allaffissorinikkut sulisut aningaasarsiaannut, soraarnerussutisiassaannut, allaffissornermut il.il. toqqaannartumik aningaasartuuteqarnissamut atatillugu aningaasaqarnikkut kinguneqartussaapput. Tamakku saniatigut Naalackersuisut Aningaasanut inatsimmik tullerriiaarinerannut atatillugu suliassannik nutaanik takkuttoqarsinnaavoq. Nukissat ilaat ingerlaannartumik naalackersuisoqarfimmut nutaamut malinnittussaapput.

Aningaasaqarnikkut allannguutissat tamarmik Aningaasanut inatsisissatut siunnersuummi imaluunniit ilassutitut aningaasaliissutini takuneqarsinnaassapput. Aningaasaqarnermut tunngatillugu allannguutissat maannakkuugallartoq naatsorsorneqarsinnaanngillat, tassami naalackersuinikkut suliniuteqarfiusussat suussusersineqanngimmata akuersissutigineqaratillu.

## **Siunnersuummi aalajangersakkanut ataasiakkaanut nassuiaatit**

### *§ 1, nr. 1-imut*

Siunnersuutigineqarpoq Naalackersuisut Naalackersuisut siulittaasuannik aamma Naalackersuisunut ilaasortanik arfineq marluk tikillugit amerlassusilinnik ilaasortaqaalissasut. Taamaaliornikkut maannakut Inatsisartut Naalackersuisullu pillugit Inatsisartut inatsisaannut aalajangerakkamut, Naalackersuisut arfinillit tikillugit ilaasortaqaarnissaannik taamaallaat periarfissiisumut, naleqqiullugu Naalackersuisut Naalackersuisunut ilaasortanut amerlanerusunut Naalackersuisut suliassaannik siammaanissaannut periarfissinneqassapput.

### *§ 1, nr. 2-mut*

Namminersornerullutik Oqartussat missingersuutaat pillugit Inatsisartut inatsisaata allanngortinneqarnera pillugu Inatsisartut inatsisaat nr. 1, 23. maj 2000-imeersup kingunerisaanik siunnersuutigineqarpoq Inatsisartut Aningaasanut inatsimmik akuersissuteqartarnerannut killiliussaq pillugu Inatsisartut Naalackersuisullu pillugit Inatsisartut inatsisaata kingunerisaanik iluarsissuteqartoqassasoq. Siunnersuutigineqarpoq Aningaasanut inatsisissap akuersissutigineqartarneranut killiliussaq ukioq aningaasaliiviusoq sioqqullugu 15. novembarimut allanngortinneqassasoq.

### *§ 2-mut*

Siunnersuutigineqarpoq Inatsisartut inatsisissaat atuuttussanngortinneqaannarluni  
atuutilissasoq.